

Nias - Zaradadoe Mbuku Ni'amoni'ö - Soldiers Scriptures

Efeso 6:10-18

- 10 Ba hadia baero õ, ba mi'abõlõ'õ ami, ba chõ Zo'aja, ba ba wa'abõlõ wa'abe'enia andrõ.
- 11 Mi'a'aro'õ ami, fangaro andrõ, chõ Lowalangi, ena'õ abe'e ami, ba wa'oneche Gafõcha andrõ.
- 12 Tenga sa fasõndrata ba niha wasõndratada, no fasõndrata ba zamatõrõ andrõ, ba zalaõa andrõ, ba zochõ oeli danõ andre, ba zogõmigõmi andre, fasõndrata ba mbechoe si lõ sõchi andrõ, ba mbanoea si jaõa.
- 13 Andrõ mihalõ wangaró andrõ chõ Lowalangi, ena'õ tola milaõa, na baõa si lõ sõchi, ba ena'õ tola mi'asiwai fefoe hadia ia, ba ena'õ mõna ami.
- 14 Ba mi'abe'e'õ ami, bõbõ lõwilõwimi zi doehoe, ba õrõbami wa'atoelõ dõdõ,
- 15 badagahe ba gahemi wa no mifa'anõ ami, ba wangombacha toeria somoeso dõdõ andrõ, ba wa'atoelõ.
- 16 Ba awõ da'õ fefoe, ba mihalõ mbaloese famati andrõ, si tola mibe'e fangokafoe nono wana Gafõcha andrõ, so'alitõ;
- 17 ba mihalõ detenaoeloe fangorifi andrõ, awõ wõda Geheha andrõ taroma li Lowalangi.
- 18 Fefoe hadia ia ngawalõ wangandrõ, awõ ngawalõ wakaosa, milaoe, bõi mifamalõmalõ, soroi ba Geheha ba bõi mifõrõfõrõ ba da'õ, ja'a'oi so wa'anaoe gõlõ, awõ wangandrõ, salahi ni'amoni'õ andrõ fefoe,

Zinoenõ 91:1-16

- 1 Sonahia barõ mba'aba'a andrõ chõ Wondrege zalaõa andrõ, da'õ zahono ba loemõ Wondrege zabõlõ andrõ.
- 2 Oemane chõ Jehowa: "Saõatõgoe ndra'oegõ ba hatigoe, Lowalangigoe, tõtõna fõgoel!"
- 3 I'efa'õ ndra'oegõ ba dandraõa andrõ chõ zolaoe tandraõa wofo, ba i'orifi'õ ba wõchõ waba famoenoe andrõ.
- 4 Ibaloegõ ndra'oegõ afinia, ba barõ gafinia andrõ aoeri ndra'oegõ; no ba'aba'a ba baloese zi doehoe andrõ chõnia.
- 5 Lõ tola ata'oe ndra'oegõ gameta'oeõ andrõ ba zi bongi, ba he ono wana sanõrõ, na ma'õchõ.
- 6 Fõchõ waba andrõ, sanõrõ sogõmigõmi, teoe mbanoea andrõ, famakiko na laloeo.
- 7 He hõnõ zi mate ba ngaimõ, ba he foeloe ngahõnõ zi mate ba gambõlõoe, ba

ja'oegō, ba lō gōna.

- 8 Ha hōrōoe zangila, ba anehe'ō wamasoelō andrō ba zolaoe si lō sōchi.
- 9 Me no ūwa'ō: "Ja'oegō sa'ae dōtōnafōgōe, Jehowa;" Fondrege zalaŵa andrō no ūbe'e sawatōoe.
- 10 Lō itōrō ndra'oegō saboe dōdōoe, ba lō ihatō'ō ia ba noseoe famakao.
- 11 Iwa'ō ba mala'ika andrō chōnia, ba chōmō andrō, ena'ō larorogō ndra'oegō, ba lalamō andrō fefoe.
- 12 Lataja dania tangara ndra'oegō, fa bōi manendre gaheoe ba gara.
- 13 Ōhoendrahoendra tooe zingo ba oelō sosōfoe, amama barō gaheoe nono zingo, awō naga.
- 14 "Me i'omasi'ō ndra'o, andrō oe'orifi ia, oe'efa'ō ia, me no aboto ba dōdōnia dōigoe andrō.
- 15 Na i'angarōfi li ndra'o, ba oefondrondrongo chōnia, awōnia ndra'o ba wamakao; oe'efa'ō ia ba tetoeria ia oebe'e.
- 16 Oe'aboesoi'ō ia fa'anaoe noso, ba anehe ia wangorifi andrō chōgōe oebe'e."

Zinoenō 18:1-51

- 1 Chō doeka wanoenō andrō. Chō genoni Jehowa andrō, Dawido andrō, sanandrōsaigō chō Jehowa taroma li zinoenō andre, me no i'efa'ō ia Jehowa ba wa'abōlō zi fa'oedoe chōnia, fefoe, ba ba danga Zaoelo. Imane:
- 2 Omasido ndra'oegō, Jehowa, fa'abōlōgōe!
- 3 Hili dōdōgoe Jehowa ba sawatōgōe ba sangorifi ja'o. Lowalangigoe, ba no nahiagoe, chōnia manōtōna ndra'o, no baloesegoe ia ba tandroe fangorifi chōgōe ba hatigoe.
- 4 Oe'angarōfi li Jehowa, si nangea nisoeno andrō, ba te'orifi ndra'o, aefa ndra'o ba zi fatioe tōdō chōgōe.
- 5 Noa sa ifasoei ndra'o doeloe ba no ifeta'oe ndra'o hohooe famoenoe.
- 6 No ikabi ndra'o bōbō moroi ba mbanoea tooe, ba no ihawoei ndra'o tandrawā famoenoe.
- 7 No moe'ao ndra'o chō Jehowa, ba wa'atosasagoe andrō, no oe'angarōfi li Lowalangigoe, no ifondrondrongo ligoe ba gōdonia andrō ba no iroegi dōgi dalingania we'aogoe andrō chōnia.
- 8 Ba hoemeoe danō, modoeroe, ba hoemisi dajadaja hili ba mangiwa, me no tesao wōnoenia.
- 9 Manimbo nichoenia ba i'otarai mbawania alitō si manga badia ia, hoemola mbo galitō, si oroi chōnia.
- 10 Idada mbanoea, mōi ia tooe, sogōmigōmi barō gahenia.
- 11 Ba hoeloe Keroebi mōi ia, hoemombo misa, manahanahae ia ba gafi nangi.
- 12 Ibalī'ō baloebaloenia zogōmigōmi, osenia fasoei, salōē ba lawoeo saitō.
- 13 Moroi ba haga andrō fōnania itōrō lawoeo andrō teoe kara ba bo

galitō.

- 14 Ba moe'oegoe'oegoe Jehowa ba mbanoea si jawā, ba ifarongogō linia Fondrege zalawā andrō.
- 15 I'efa'õ nono wana chōnia, ifazawili, ba ifazaoemba gari mbanoea, ifakoejoe.
- 16 Ba oroma noengo nidanõ ba aheta mbaloebaloe dajadaja danõ, ba wanegoemõ andrō, ja'oegõ Jehowa, ba wangōhōfoe geheha nichoemõ andrō.
- 17 I'oro'õ dangania moroi jawā, ira'oedo, isōbido moroi ba nidanõ seboea.
- 18 Ifadōni ndra'o ba zi fatioe tōdō chōgoe, sabōlō, ba ba zi fa'oedoe chōgoe, me no tebai oelawā ira.
- 19 No lahawoei ndra'o, me bawā wa'ate'ala chōgoe, ba no tobali tolotolo chōgoe Jehowa.
- 20 Ba no i'ohe baero ndra'o ba zebolo tanõ, no i'efa'õ ndra'odo, me no omasi ia ndra'o.
- 21 No isoelōni chōgoe wa'atoelõ dōdōgoe Jehowa, no ibe'e chōgoe zoelõ, me no lō hadia ia zi falemba ba dangagoe.
- 22 Noa sa oetōrō lala Jehowa, lō solalõ ndra'o ba chō Lowalangigoe.
- 23 Noa sa so ba gametahōgoe hoekoe andrō chōnia, fefoe, ba amachoitania andrō, ba lō ni'arōoe'ōgoe chōgoe.
- 24 No adōlō dōdōgoe chōnia ba no oe'ata'oefi, fa bōi oefazōchi zi lō atoelõ.
- 25 Ba no isoelōni chōgoe wa'atoelõ dōdōgoe Jehowa, balazi wa lō hadia ia zi falemba ba dangagoe, wamaiginia.
- 26 Ba zeboea tōdō eboea dōdōoe, ba ba zadōlō tōdō adōlō dōdōoe,
- 27 Ba zohaoehaoe ohaoehaoe ndra'oegõ, ba ba zabila tōdō abila ndra'oegõ.
- 28 Ja'oegõ sa zanolo niha si gōna famakao, ba ōhōndrōgō hōrō si fajawā.
- 29 Ja'oegõ sa zamohaga fandroegoe, ifohaga zogōmigōmi andrō chōgoe Jehowa, Lowalangigoe.
- 30 Na ūtolodo, ba oedoedoegõ gōli kara, ba na awōgoe Lowalangigoe, ba oesawō mba'aba'a.
- 31 Lala Lowalangi andrō, ba no mo'ahonoa, taroma li Jehowa, ba no moehaogõ; baloese ia ba zanōtōna chōnia, fefoe.
- 32 Ha niha sa Lowalangi, baero Jehowa? ba ha niha nahia saro, baero Lowalangida!
- 33 Lowalangi andrō, same'e bōbō taloegoe fa'abōlō, sangehao lala chōgoe;

- 34 sombali'õ ahe mbõhõ ahegoe, ba samataro ja'o ba hili.
- 35 Samahaõ tangagoe ba wasõndrata ba ta'iogoe ba wogai fana.
- 36 Ba no õbe'e chõgroe mbaloese fangorifi andrõ chõoe, ba no itoewoe ndra'o kambõlõoe, ba fangide'ide'õoe ja'oegõ zangeboea'õ ja'odo.
- 37 No õ'ebolo'õ naha gahegoe ba lõ sangiwa mboe'oe kawonogoe.
- 38 No oegohi nemaligoe, ba no oechamõ, ba lõ nifoeligoe ja'o foeri, balazi no oefakiko ira.
- 39 No oerasa ira, fa tebai maoso sa'ae, tegaõlõ tooe ira barõ gahegoe.
- 40 Ba no õfobõbõ taloe ndra'o fa'abõlõ ba wasõndrata, no õfaõndrõ barõgroe zi fa'oedoe chõgroe.
- 41 Moloi chõgroe zi fatioe tõdõ chõgroe, õbe'e, ba si fa'oedoe chõgroe, ba no oehori.
- 42 Mangarõngarõ ira, ba lõ sangorifi — chõ Jehowa, ba lõ itema lira.
- 43 Ba no oefoefoe ira, si mane gawoegawoe nangi; hoelõ damboe baewali oetibo'õ ira.
- 44 No õ'efa'õ ndra'o ba wasõndrata niha, no õfataro hõgõ soi niha ndra'odo; tobali la'o'õ chõgroe niha si lõ oerai mila.
- 45 Ha larongo ligoe, ba la'o'õ chõgroe, lahaogõhaogõ wehedera chõgroe ono niha bõ'õ.
- 46 Ariri nono niha bõ'õ, larõi gödora, manizinizi.
- 47 Saoeri Jehowa, ba nisoeno nahiagoe saro andrõ, ba ni'eboea'õ dõi Lowalangi fangorifigoe andrõ!
- 48 Lowalangi andrõ, sanolo ja'o ba wolaoe balõ, same'e barõ mbawagoe soi niha;
- 49 sangefa'õ ja'o ba nemaligoe andrõ. Si ndroehoe, no õbe'e jawã zi fa'oedoe chõgroe ndra'odo; no õ'efa'õ ndra'o ba niha andrõ samakao awõnia.
- 50 Andrõ oesoeno ndra'oegõ, ja'oegõ Jehowa, ba niha baero, oesoeno dõimõ.
- 51 Ja'oegõ, sangeboea'õ fangorifi razo, sangeboea'õ tõdõ ba nibajoinimõ andrõ, chõ Dawido ba chõ ma'oewoenia, iroegi zi lõ aetoe.